



Broj: 03/3-50-1-377-3/07  
Sarajevo, 25.9. 2007. godine

**Z A P I S N I K**  
**3. sjednice Zajedničke komisije za ekonomske reforme i razvoj oba doma  
Parlamentarne skupštine Bosne i Hercegovine,  
održane 25. 9. 2007. godine**

Sjednica je počela u 13 sati.

Sjednicom je predsjedavao Drago Ljubičić, predsjedavajući Komisije.

Sjednici su prisustvovali: Bajazit Jašarević, Rudo Vidović, Rifat Dolić, Ivo Miro Jović, Hazim Rančić, Mehmed Suljkanović, Slobodan Šaraba, Adem Ibrahimpašić, članovi Komisije.

Odsustvo su opravdali: Azra Hadžiahmetović, Jovan Todorović i Hadži Jovan Mitrović.

Sjednici su prisustvovali: Nina Šandrk, stručni saradnik pri programu podrške Parlamentarnoj skupštini BiH u OSCE-u, Azra Branković, rukovodilac Istraživačkog sektora u Sekretarijatu Parlamentarne skupštine BiH, i Emira Češljarić, sekretar Komisije za vanjsku trgovinu i carine u Predstavničkom domu.

Za sjednicu je predložen i jednoglasno usvojen sljedeći

**D N E V N I R E D**

1. Usvajanje Zapisnika 2. sjednice Komisije,
2. Realiziranje zaključka usvojenog na 2. sjednici Komisije o materijalu Istraživačkog sektora Sekretarijata Parlamentarne skupštine BiH, o temu „Ekonomske reforme“, od 3. 5.2007.,
3. Tekuća pitanja:
  - a) Izvještaj sa 4. foruma PRSP (Strategija za smanjenje siromaštva) za zemlje zapadnog Balkana, Atina 26 i 27. juna 2007. godine,
  - b) Upoznavanje sa Zabilješkom sa sastanka članova Komisije sa izvršnim direktorom Svjetske banke, održanog 13.6. 2007., u Sarajevu.

**Ad.1.**

Zapisnik 2.sjednice Zajedničke komisije za ekonomske reforme i razvoj jednoglasno je usvojen, bez primjedbi.

**Ad.2.**

**Realiziranje zaključka usvojenog na 2. sjednici Komisije o materijalu Istraživačkog sektora Sekretarijata Parlamentarne skupštine BiH, o temi „Ekonomske reforme“, od 3. 5.2007.**

**Drago Ljubičić** podsjetio je prisutne o zaključku Komisije s prošle sjednice kojim je zatražen stav Kolegija Doma naroda o navedenom materijalu, koji je pročitao. Stav kolegija oba doma je da ovaj

materijal treba da bude predmet rasprave na sjednici Komisije, koja bi nakon razmatranja izvjestila kolegije oba doma o usvojenim zaključcima.

Također se osvrnuo na opis poslova Komisije i istakao da je za sada Komisija manje angažirana u odnosu na opis poslova Komisija za finansije i budžet kao i Komisije za vanjsku trgovinu i carine koje u u nadležnosti možda imaju dio poslova i ove Komisije. Smatra da je oblast razmatranja pitanja ekonomskog razvoja većim dijelom u nadležnosti vlada entiteta. Ne bi mu bilo drago da se Komisija treba pravdati šta je radila s obzirom na njen status i poziciju.

Azra Branković rekla je da je zadatak Istraživačkog sektora pripremanje analiza te da je na raspolaganju Komisiji radi održavanja javnih rasprava, uz eventualno angažiranje eksperata i uz podršku OSCE-a.

Adem Ibrahimpašić podržao je konstataciju predsjedavajućeg Komisije i napravio malu digresiju u vezi s tri zakona o kojima se vodi rasprava u Parlamentu Federacije BiH iz oblasti poreza i plaća. Potrebno je stvoriti ambijent kako bismo bili konkurentni na domaćem tržištu u oblasti carinske politike i carinske tarife te na vlastitom tržištu osigurati iste uslove.

Bajazit Jašarević smatra da je i rad drugih komisija, govori o komisijama Predstavničkog doma, dosta neefikasan, uzevši za primjer dva zakona iz oblasti carinske tarife koji se istovremeno nalaze u proceduri. Nema ekonomskih reformi ako Vijeće ministara BiH nije pokretač ili ako za navedeni materijal ne zauzme određeni stav. Ako se sinhronizira rad s Vijećem ministara BiH, oba doma treba da budu na partnerskoj osnovi s Vijećem ministara BiH te je predložio da se materijal dostavi članovima Parlamentarne skupštine BiH. Smatra se nemoćnim jer do sada nije usvojen zakon čiji predlagač nije Vijeće ministara BiH.

Mehmed Suljkanović rekao je da je Komisija za vanjsku trgovinu i carine Predstavničkog doma od 13. 3. 2007. aktivno radila na utvrđivanju prijedloga tri zakona koje je 20.7. 2007. dostavila u redovnu parlamentarnu proceduru kako bi se pokušala iz sadašnji odredbi zakona donekle prevazići određena stanja, ali već se naziru određene blokade za čije prevazilaženje na postoje mehanizmi. Sa stanovišta izvještaja o radu Komisije postavlja se pitanje šta raditi. Postavio je pitanje da li se posredstvom Istraživačkog sektora može zatražiti analiza da bi se opravdao naziv Komisije, jer nismo spremni ispunjavati formu.

Ivo Miro Jović zapitao se „gdje smo kao Komisija pozicionirani, preuzimajući inicijativu i želje pretočiti u primarno rješavanje, s obzirom da se s drugim komisijama poslovi poklapaju. Kao zadatak u planu rada predložio je da Komisija inicira predlaganje zakona.

Hazim Rančić naveo je primjer pitanja budžetske rezerve, tj. pitanje suficita u budžetu institucija BiH. Smatra da ostvareni suficit iz prethodne budžetske godine, a koji se utvrdi nakon sačinjavanja i usvajanja Izvještaja o izvršenju budžeta za prethodnu godinu, tj. isti suficit se ne pridodaje budžetskoj rezervi s kojom raspolaže Vijeće ministara BiH, nego da o suficitu odlučuje Parlamentarna skupština BiH putem rebalansa budžeta ili donošenjem odluke o programu trošenja ostvarenog suficita, na prijedlog Vijeća ministara BiH.

Rifat Dolić postavio je pitanje koji je efekat rada Komisije. Nespretna je definicija njene nadležnosti i poklapanje s drugim radnim tijelima domova. Treba biti uporan i konkretnije preduzimati radnje i utvrditi koji su reformski zakoni koje treba uraditi.

Nakon rasprave, Komisija je usvojila sljedeće **zaključke**:

1. Komisija je prihvatila stav kolegija oba doma o navedenom materijalu;

2. materijal „**Ekonomске reforme**“ Istraživačkog sektora Sekretarijata Parlamentarne skupštine BiH treba dostaviti članovima oba doma Parlamentarne skupštine BiH; ovo je urađeno

3. predlaže se Komisiji za vanjsku trgovinu i carine Predstavničkog doma da zajedno s Vijećem ministara BiH usaglasi prijedloge zakona o izmjenama i dopuna zakona o: carinskoj tarifi, politici i akcizama u roku od 30 dana, te ih pripremi za sjednicu Doma u oktobru 2007.

4. ostvareni suficit u bužetu institucija BiH iz prethodne budžetske godine raspoređuje se rebalansom budžeta na budžetske korisnike.

Ostvareni suficit može se rasporediti i odlukom Parlamentarne skupštine BiH, na razvojne i/ili infrastrukturne projekte, na prijedlog Vijeća ministara BiH.

O navedenim zaključcima potrebno je obavijestiti kolegije oba doma s prijedlogom za daljnju proceduru.

**Ad. 4.**

Tekuća pitanja:

a) Komisija je prihvatila Izvještaj sa 4. foruma PRSP (Strategija za smanjenje siromaštva) za zemlje zapadnog Balkana, Atina 26. i 27. juna 2007. godine.

b) Komisija je prihvatila Zabilješku sa sastanka članova Komisije sa izvršnim direktorom Svjetske banke, održanog 13.6. 2007., u Sarajevu.

Sjednica je završena u 14,30 sati.

Sekretar Komisije  
**Emira Češljarić**

Predsjedavajući Komisije  
**Drago Ljubičić**